

Avtale mellom Hordaland fylkeskommune og Bergen kommune

1. Partane

Avtalen er inngått mellom Hordaland fylkeskommune og Bergen kommune.

2. Føremål

Føremålet med avtalen er å regulera samarbeidet mellom fylkeskommunen og kommunane i Hordaland knytt til arbeidet med DKS til grunnskulane.

DKS er ein nasjonal satsing som skal medverke til at alle skulelevar i Noreg får møte profesjonell kunst og kultur. Satsinga har blitt til i eit samarbeid mellom Kunnskapsdepartementet og Kulturdepartementet. Avtalen skal sikre at kunst- og kulturformidlinga i skulen i Hordaland vert gjennomført til beste for alle grunnskulelevar i fylket.

3. Kort om DKS

Følgjande uttrykk er ein del av tilbodet i DKS: visuell kunst, scenekunst, musikk, litteratur, film og kulturarv.

Målsettingar for DKS i Hordaland er:

- å medverke til at elevar i skulen får eit profesjonelt kunst- og kulturtilbod,
- å leggje til rette for at elevar i skulen skal få tilgang til, gjere seg kjende med og få eit positivt forhold til kunst- og kulturuttrykk av alle slag,
- å medverke til å utvikle ei heilskapleg innlemming av kunstnarlege og kulturelle uttrykk i realiseringa av skulen sine læringsmål,
- å gje born oppleving av kunst og styrke deira eiga skaparevne,
- å styrke born si evne til å stille spørsmål, og stimulere til undring og kritisk vurdering.

4. Innhald

Avtalen gjeld samarbeid med følgjande innhald:

- 1.1 Gjennomføring av profesjonelle tilbod innan alle uttrykk, til alle elevar i grunnskulen.
- 1.2 Fagleg bistand og tilleggsytingar.
- 1.3 Årlege møter mellom Hordaland fylkeskommune og kontaktpersonar i kommunane.

Hordaland fylkeskommune og kommunen forpliktar seg til samarbeid og innsats på regionalt og lokalt plan å utvikle eit godt tilbod til alle grunnskulelevar i tråd med nasjonale retningslinjer og regionale målsettingar.

5. Økonomi

DKS vert finansiert gjennom årleg tildeling av spelemidlar. Fylkeskommunen vidarefordelar minimum 1/3 av tilskotet til kommunane. For å utløyse midlane må kommunens planar og rapporteringar vera godkjent av fylkeskommunen.

Enkeltkommunar og samarbeidande kommunar kan få direkte tildeling av spelemidlane. Vilkåret for direkte tildeling er at kommunen er i stand til å sikre prinsippa for ordninga og vert samde med fylkeskommunen om korleis ordninga skal gjennomførast.

Bergen kommune får sin del av spelemidlane direkte tildelt.

6. Partane sitt ansvar

6.1 Hordaland fylkeskommune sitt ansvar

- 6.1.1 Forvalte statlege spelemidlar på ein slik måte at det kjem kommunen og skuleelevane i fylket til gode på best mogleg og mest hensiktsmessig måte. Her i sørge for utbetaling av midlar til kommunen med utgangspunkt i fordelingsnøkkel utvikla av Utdanningsdirektoratet, og etter vedtak i Kultur- og ressursutvalet.
- 6.1.2 Ha ein rådgjevande funksjon, og om ønskeleg hjelpe kommunen i utvikling av det lokale tilbudet.
- 6.1.3 Oppretthalde nettverket av kommunekontaktar, og årleg arrangere møter som sikrar god dialog mellom det kommunale og regionale nivået.

6.2 Kommunen sitt ansvar

- 6.2.1 Kommunen skal ha ein kommunekontakt som har DKS som fast arbeidsområde i eit definert omfang som sikrar oppgåva fullt ut. Kommunekontakten bør ha naudsynte fullmaktar til å kunne løyse oppgåva, mellom anna få tilgang til rekneskapssystem som gjer det mogleg å følgje opp økonomi. Kommunekontakten deltek på det årlege dialogmøtet for DKS-kontaktar i Hordaland.
- 6.2.2 Til kvar tid ha ein politisk forankra plan som
 - gjer greie for korleis kommunen vil sikre prinsippa for ordninga, slik dei er nedfelt i St.meld. nr. 8 (2007-2008) Kulturell skulesekk for framtida. I dette ligg mellom anna:
 - DKS skal femne om alle elevar, uavhengig av kva skule dei går på og kva økonomisk, sosial, etnisk og religiøs bakgrunn dei har.
 - Elevane skal møte profesjonelle kunst- og kulturtilbod med høg kunstnarleg kvalitet.
 - Både musikk, scenekunst, visuell kunst, film, litteratur og kulturarv skal vere representert i DKS. Det skal vere variasjon i formidlingsmåtane.
 - Elevane skal sikrast eit regelmessig tilbod på alle klassetrinn.
 - viser til eit etablert samarbeid mellom kultur- og opplæringssektoren i kommunen,
 - gjer greie for korleis kommunen vil ivareta dei ulike kunst- og kulturuttrykka, og korleis ein vil møte krav om nyskaping og kvalitetssikring,
 - gjer greie for korleis kommunen vil sikre den formidlingsmessige kvaliteten på innhaldet, og vise til korleis DKS er tenkt forankra i skulen med omsyn til organisering og tilknytning til den faglege verksemda,
 - viser til eiga ressursbruk i kommunen, til administrasjon og til kompetansehevande tiltak,
 - viser til deltaking i nettverk, både innanfor fylket og nasjonalt,
 - gjere greie for korleis krav om kulturelt mangfald vert ivaretatt.
- 6.2.3 Leverer plan, rekneskap og rapport etter gitte fristar. Dersom kravet til bruk av midlane ikkje er oppfylt, eller rapportering og/eller planar manglar, vil kommunen risikere å ikkje få utbetalt midlar.

Vi oppmodar kommunen til å samarbeide med kulturskulen. Vi oppmodar også om å involvere elevar i arbeidet med DKS.

7. Avtaleperiode

Avtalen trer i kraft 1.1. 2015. Med atterhald om at statlege eller fylkeskommunale rammevilkår vert endra, vil avtalen bli vidareført til den eventuelt vert sagt opp av ein av partane. Avtalen kan seies opp av begge partar med eit års varsel.

.....

.....

Stad, dato

Hordaland fylkeskommune

.....

Stad, dato

Bergen kommune

.....